

Na osnovu člana 16. stav (1) i člana 17. stav (2) Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09) i člana 34. Zakona o izvršenju Budžeta HNK za 2024. godinu („Službene novine HNK“, broj: 3/24), Vlada Hercegovačko-neretvanskog kantona je na 15. sjednici, održanoj 21.3.2024. godine, donijela

O D L U K U
O USVAJANJU PROGRAMA UTROŠKA NOVČANIH SREDSTAVA
UTVRĐENIH BUDŽETOM HNK ZA 2024. GODINU
ZA MINISTARSTVO POLJOPRIVREDE, ŠUMARSTVA I VODOPRIVREDE
S POZICIJE TRANSFERI DRUGIM NIVOIMA VLASTI-POLJOPRIVREDA JEDINICAMA
LOKALNE SAMOUPRAVE (ZA POLJOPRIVREDNE SAJMOVE, MANIFESTACIJE,
IZLOŽBE)

I

Usvaja se Program utroška novčanih sredstava utvrđenih Budžetom HNK za 2024. godinu za Ministarstvo poljoprivrede, šumarstva i vodoprivrede s pozicije Transferi drugim nivoima vlasti-poljoprivreda jedinicama lokalne samouprave (za poljoprivredne sajmove, manifestacije, izložbe).

II

Sredstva za realizaciju Programa iz tačke I ove Odluke osigurat će se u Budžetu HNK za 2024. godinu na poziciji Ministarstva poljoprivrede, šumarstva i vodoprivrede, budžetska organizacija 37010006, ekonomski kod 614 100 PAL001 Transferi drugim nivoima vlasti-poljoprivreda u iznosu 90.000,00 KM (slovima: devedesethiljada KM).

III

Program iz tačke I ove Odluke sastavni je dio ove Odluke.

IV

Za realizaciju ove Odluke zadužuju se Ministarstvo poljoprivrede, šumarstva i vodoprivrede i Ministarstvo finansija.

V

Odluka stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
V L A D A

Broj: 01-1702-653 /24
Mostar, 21.3.2024. godine



Na osnovu člana 55. Zakona o organizaciji uprave u Hercegovačko-neretvanskom kantonu („Službene novine HNK“, broj: 9/09) i Zakona o izvršenju Budžeta HNK za 2024. godinu („Službene novine HNK“, broj: 3/24) ministar poljoprivrede, šumarstva i vodoprivrede HNK, donosi

PROGRAM
UTROŠKA NOVČANIH SREDSTAVA UTVRĐENIH BUDŽETOM HNK ZA 2024.
GODINU TRANSFERI DRUGIM NIVOIMA VLASTI-POLJOPRIVREDA JEDINICAMA
LOKALNE SAMOUPRAVE (ZA POLJOPRIVREDNE SAJMOVE, MANIFESTACIJE,
IZLOŽBE)

1. SVRHA

Sredstva se dodjeljuju jedinicama lokalne samouprave u svrhu prezentacije i promovisanja poljoprivrednih proizvođača i prerađivača na poljoprivrednim sajmovima, manifestacijama, izložbama, te stvaranje povoljnijeg ambijenta i mogućnosti za razvoj i poticaj poljoprivrede kao osnovne privredne grane na području HNK.

2. VISINA I IZVOR SREDSTAVA

Sredstva za realizaciju ovog Programa osigurana su u Budžetu HNK za 2024. godinu Ministarstvu poljoprivrede, šumarstva i vodoprivrede, organizacijska jedinica 37010006, ekonomski kod 614100, PAL001, Transferi drugim nivoima vlasti-poljoprivreda, iznos 90.000,00 KM (slovima: devedesethiljada konvertibilnih maraka).

3. KORISNICI

Korisnici sredstava iz tačke 2. su jedinice lokalne samouprave u HNK za podršku organizovanju poljoprivrednih sajmova, manifestacija, izložbi na području grada/općine u svrhu prezentovanja i promovisanja poljoprivrednih proizvođača i prerađivača. Sajmovi, manifestacije, izložbe koji se ne odnose na oblast poljoprivrede i nisu u skladu sa svrhom ovog Programa, neće moći ostvariti podršku po ovom Programu.

4. JAVNI POZIV

Program će se implementirati putem Javnog poziva jedinicama lokalne samouprave u HNK sa kriterijima za raspodjelu novčanih sredstava utvrđenih Budžetom HNK za 2024. godinu Transferi drugim nivoima vlasti-poljoprivreda (za poljoprivredne sajmove, manifestacije, izložbe). Obavijest o raspisanom Javnom pozivu objavit će se u dvije štampane dnevne novine, a cjeloviti tekst Javnog poziva objavit će se na službenoj stranici Ministarstva www.mpsv-hnz-k.ba te u Službenim novinama HNK. Za podršku iz sredstava utvrđenih Budžetom HNK za 2024. godinu Transferi drugim nivoima vlasti-poljoprivreda, JLS može prijaviti maksimalno 2 poljoprivredna sajma, manifestacije, izložbe sa svog područja koji su od značaja za poljoprivredu i utiču na stvaranje povoljnog ambijenta i mogućnosti za razvoj i poticaj poljoprivrede.

5. KRITERIJI ZA RASPODJELU SREDSTAVA

Raspodjela sredstava jedinicama lokalne samouprave sa područja HNK za podršku organizovanju poljoprivrednih sajмова, manifestacija, izložbi vršit će se prema utvrđenim kriterijima. Kriteriji za raspodjelu sredstava za organizovanje poljoprivrednog sajma, manifestacije, izložbe su:

- Tradicija (broj godina održavanja) sajma, manifestacije, izložbe uključujući i 2024. godinu - do 10 bodova
- Trajanje sajma, manifestacije, izložbe u danima - do 5 bodova
- Broj izlagača (poljoprivrednih proizvođača i prerađivača) iz BiH u prethodnoj godini održavanja sajma, manifestacije, izložbe - do 5 bodova
- Broj izlagača (poljoprivrednih proizvođača i prerađivača) iz drugih zemalja u prethodnoj godini održavanja sajma, manifestacije, izložbe - do 5 bodova
- Broj poljoprivrednih sajмова, manifestacija, izložbi predložen od jedinice lokalne samouprave u 2024. godini (max 2 sajma, manifestacije, izložbe) - 1 bod po sajmu, manifestaciji, izložbi.

Za primjenu navedenih kriterija koriste se podaci o poljoprivrednom sajmu, manifestaciji, izložbi koje JLS dostavi u prijavi.

6. RASPODJELA SREDSTAVA

Novčana sredstva iz tačke 1. Programa, prema utvrđenim kriterijima odobrit će se drugim nivoima vlasti - jedinicama lokalne samouprave u HNK za potporu organiziranju jednog ili najviše dva poljoprivredna sajma, manifestacije, izložbe.

Organizator poljoprivrednog sajma, manifestacije, izložbe može biti direktno JLS ili udruženje, savez poljoprivrednih udruženja, drugi organizator. JLS u prijavi za pojedinačni sajam, manifestaciju, izložbu može prijaviti samo jednog organizatora.

7. PRIJAVA NA POZIV

Prijava na Javni poziv jedinicama lokalne samouprave u HNK sa kriterijima raspodjele novčanih sredstava utvrđenih Budžetom HNK za 2024. godinu Transferi drugim nivoima vlasti-poljoprivreda (za poljoprivredne sajmove, manifestacije, izložbe) JLS dostavlja Ministarstvu poljoprivrede, šumarstva i vodoprivrede HNK, Hrvatske mladeži bb, 88 000 Mostar.

Nakon provedbe Javnog poziva, Vlada HNK donosi Odluku o raspodjeli novčanih sredstava utvrđenih Budžetom HNK za 2024. godinu Transferi drugim nivoima vlasti-poljoprivreda jedinicama lokalne samouprave u HNK (za poljoprivredne sajmove, manifestacije, izložbe).

U skladu sa naprijed navedenom Odlukom Ministarstvo poljoprivrede, šumarstva i vodoprivrede sa jedinicom lokalne samouprave zaključit će ugovor o transferu sredstava jedinici lokalne samouprave za podršku poljoprivrednim sajmovima, manifestacijama, izložbama u 2024. godini.

8. IZVJEŠTAJ O UTROŠKU SREDSTAVA

Jedinice lokalne samouprave obavezne su Ministarstvu poljoprivrede, šumarstva i vodoprivrede dostaviti Izvještaj o namjenskom utrošku dodijeljenih sredstava najkasnije do kraja tekuće godine.

Izveštaj JLS treba da sadrži narativni i finansijski dio. U narativnom dijelu treba navesti provedene aktivnosti, mjerljive rezultate (trajanje sajma, manifestacije, izložbe u danima, broj poljoprivrednih izlagača iz BiH i broj poljoprivrednih izlagača iz drugih zemalja, zemlje učesnice na sajmu i dr.), ostvarene efekte i postignutu svrhu održavanja poljoprivrednih sajmova, manifestacija, izložbi na području grada/općine. U finansijskom dijelu izvještaja dostaviti specifikaciju utroška dodijeljenih sredstava i priložiti kopije dokaza/računa o namjenskom utrošku sredstava u skladu sa prihvatljivim troškovima. Prihvatljivi troškovi su: najam sajamskog prostora, najam javne površine, najam opreme (stolovi, razglas i sl.), prevoz opreme i montaža opreme na sajmu, vođenje programa sajma, ocjenjivanje poljoprivrednih proizvoda, reklame, oglašavanja, štampanje zahvalnica, plaketa i drugi organizacijski troškovi.

Nadzor po ovom Programu obavljaju kantonalni poljoprivredni inspektori.

Ukoliko JLS nije blagovremeno dostavila Izveštaj o utrošku sredstava ili se utvrdi da su sredstva utrošena nenamjenski, JLS je dužna izvršiti povrat sredstava na jedinstveni račun trezora. Ako jedinica lokalne samouprave ne dostavi Izveštaj na način propisan Programom i ne opravda odobrena kantonalna sredstava u cjelokupnom iznosu, u sljedećoj godini neće moći učestvovati u raspodjeli sredstava s budžetske pozicije Transferi drugim nivoima vlasti – poljoprivreda.

9. DONOŠENJE PROGRAMA

Program stupa na snagu danom usvajanja Programa Odlukom Vlade HNK. Program će se objaviti u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
Ministarstvo poljoprivrede, šumarstva i vodoprivrede

Broj: 03-20-236-3/24
Mostar, 21.3.2024. godine

